

## **Kafa - Yaafa Macaafooch - Salvation Scriptures**

**Efesooni 2:2 ebi ittoshi xu'oonaa ittoshi axaaxee naboona hini shawee toommooch beeti asheena'o beeti beemoomona, Yeerich de'a getaani asheena'ochi toommooch and shuunaa beeti ayaanee daagboomona beehotine; ebi ayaanoo yongee toommooch beeti gonda ayaaneena'on hajii beeti gonda iraashoone.**

**Maatiyoosi 6:10 Ne taatittino bullichii toommooch bede; shimaayooch beetina'o ne getoon boonoshi waayoomon, ebiyoomon shawooch beetina'o waayabeete;**

**Luqaasi 22:42 "Ta nihoocho! Ne daaggi gaata, hini xuuxee xofoon (xuyoon) ta waanee wokkiibe! Tunatee ne daaggo tunaballi, ta daaggo tunaaye!" iibee corootiye.**

**Yowannisi 16:7-9 Tunatee ibaroon ittoshich gettoye:- Ta hamo qayi gaata, Kupphiyacho ittoshi waan waataachemmone; ebich ta hamo ittoshich gaawiye. Ta hammatoyee gub biin ittoshich deejemmo taane. 8 Aroo waaree, shawee toommooch beeti asheena'on axaaxeechon, cadiqo ta tuneechonaa Yeer waanee kindemmi nallaa galleechonon boonoshin ittibatemmone. 9 Bi ittibatemmo axaaxeechon, boonoshi mulloon ta toommooch too'iyoon boonoshi qajitoyich, boonoshi toommooch axaaxee beemoniye;**

**2 Ximootiyoosi 2:10 Ebiyeenoo Kiristoosichi toommooch boonoshi mullee too'iyoon wodoonaa bulli yemeenee ogee yiironon bi waanee dana-beete getee kaaccatina'oyicha iqqa hini xuuxo bullin haa'ii beeto taane.**

**Roomi 15:20,21 Ebiyee bara asho baashiti toommooch ta hagaachemmoyich, asheena'o Kiristoosichi shigo ceeggeetee boonoshi waayataani xaa'ooch mishiraachee qaaron bechii getoyich qiiccato taane. 21 "Shiichii biicho boonoshich getteyaaneena'o beeggemmina'one; waayataaneena'oo shalligemmina'one" getee Yaafa Macaafooch bi kooreetoomone.**

**Mishiraachina'ochi Shuunoo 2:36,37 "Illa Yeeri hini ittoshi yooddiiti Yesuusini Doononaa Kiristoosinon bi tuniyoon Isra'eelee asho bulli manjiiree ariibe" iye. 37 Asheena'o ishin waayaqqi, boonoshi mulloona xeejii miijiyeete. Aree hillooch Pheexiroosinaa bara mishiraachachina'onon "No maneena'ote! Ebich and aabichibona?" iqqi echaheete.**

**Hibiree Asheena'oyich 4:2 Isra'eeleena'o barahooch boonoshi beehooba mishiraachee qaaro boonoshich getteetoomon, noochoo getteetone; tunaballi mulloon Yeerichi toommooch too'iyaaaneena'o boonoshi tunatoyich, boonoshi waayati qaaro amoonolla boonoshich gaacaanoone.**

**Erimiyaasi 24:7 - Maatiyoosi 22:37 Yesuusiyoo wochiqqi ishichiye:- "Doono Yeeri ne Nuggushoon ceeni ne mulloona, ceeni ne kashoona, ceeni ne shalligoona shune!" ii beetone.**

**Mishiraachina'ochi Shuunoo 16:14 Kiceeqqi waayaa beeti maacheena'ochi daggooch Liidi gettee beeti, Yeerich qeyaa beeti ikka ure beehan. Biyoo Tiyaaxirooni Katamoochee waaqqa, aaxxi gatiyachi ceella qoraddoon giixaa beetine. Arooba Phawuloosi gettii beeton manjiiree bi ellemmoyich, Yeeri bi mulloon qechiye.**

**Maatiyoosi 13:14-16 Isiyaasi ishichitone; 'Hini asheena'o waayoon waayaa beeteete; shalligaacheete. ciinon ciinnii beeteete; beegaacheete. 15 Boonoshi aafona boonoshi ciinaachemmooyich, boonoshi waamona boonoshi waayataachemmooyich, boonoshi mulloona boonoshi shalligaachemmooyich, ta waan boonoshi wottatee boonoshin ta wodiyaachemmooyich, boonoshi mulloon muumiitina'one; boonoshi waamon ulliitina'one; boonoshi aafonoo opatina'one' iqqi bi keemmiti keemo boonoshi toommooch ceennitone. 16 "Tunatee ittoshi aafu ciinnii bi beetoyich, ittoshi waamoo waayaa bi beetoyich, diireeto ittoshine.**

**Isiyaasi 6:9,10 - Mishiraachina'ochi Shuunoo 28:27 Boonoshi aafona boonoshi ciinaachemmooyich, boonoshi waamona boonoshi waayataachemmooyich, boonoshi mulloona boonoshi shalligaachemmooyich, ta waan boonoshi wottatee boonoshin ta wodiyaachemmooyich, hini asheena'ochi mullo muumatone; boonoshi waamon upitina'one; boonoshi aafonoo shinninniitina'one' iqqi gettiye.**

**Maariqoosi 4:11/12 Yesuusiyoo wochiqqi ishichiye:- "Yeeri bi taatittinee maacee mooyon ittoshich dojitone; tunatee bareena'oyich bulli mooyo shaahiyoona bi gettee beeto, 'Ciinibee boonoshi beegaachemmooyich, waa-yabee boonoshi shalligaachemmooyichiye. ebi tunato, Yeer boonoshi axaa-xoon bi maaremmooyich, bi waan wottataachone boonoshi itoyichiye' "iye.**

**Yowannisi 12:39/40 Isiyaasi wotta "Yeeri ishichitone:- 'Ta waan boonoshi wottatee boonoshin ta wodiyaachemmooyich, boonoshi aafona boonoshi ciinaachemmooyich, boonoshi mulloona boonoshi shalligaachemmooyich, boonoshi aafon daayiito taane; boonoshi mulloono muumiitoo taane' itone" iye; ebich boonoshi mulloon bi toommooch too'iiyemmon mawiitina'one.**

**Roomi 11:7,8 Aroochee amo tunahe? Isra'eeleena'o boonoshi qaawiti mooyon danataaneena'one; tunaballi Yeeri kaaccitina'o danatina'one; Yeeriyoo echatina'ochi mulloon muumiitone. 8 Ebiyoomon Yaafa Macaafoch bi kooreetoomon, "Hanaach beddaahee boonoshi aafu ciinaachemmooyich, boonoshi waamoo waayataachemmooyich, boonoshi mulloona boonoshi gaboanon Yeeri kaapitone" getee kooreetone.**

**2 Tasalonqi 2:10,11 Bi hukkoonoo biich hakkeemmi gommo bullina shiwaree qaaqqooch dupeeyemmina'on dachemmone; shiwaree qaaqqooch boonoshi dupeeyemmo, boonoshi wodemmi ibara qaaroon waayoonaa boonoshi mulloona de'onoyich shunaaneena'o boonoshi tunatoyichiye. 11 Ebichi naboona koota mooyon boonoshi ibariiyemmooyich, Yeeri muriccii**

**beeti giidoon boonoshi toommooch deejii beetone.**

**Maatiyoosi 13:18-23 Yesuusi daakkiqqi bi dabbeena'oyich ishichiye:- "Yaree shookkachochi shaahiyoo amo gaata waayabote! 19 Yeerichi taatittinee qaaroon waayaqqi shalligaano bullichi toommooch gondoochi nihoo woyemmone; boonoshi mullooch shookkati qaaroon maciree daamemmone; eboshi gomi gashooch holliti yaroomina'one. 20 Wotta maaca xaqqa beeti shawooch holliti yaroon shaahii beetina'o, Yeerichi qaaroon waayaqqi bekkach emiroona deqqi beetina'one. 21 Tunatee baadalli cammon yeshaaneena'one; Yeerichi qaaree naboona iritoo oohee du'o waahooba bekkach giinnii dihachina'one. 22 Ebiyoomon angichi xupo beeti shawooch holliti yaroon shaahii beetina'o, Yeerichi qaaroon boonoshi waayatee, hini shaweexi beemon gaboona gijee shaawona dacheyoona boonoshi mullooch naaxiqqi boonoshi waayati qaaroon maa beetone; ebichi naboona aafataanoon doobaree echemmina'one. 23 Qeemi shawooch holliti yaroon shaahii beetina'o, Yeerichi qaaroon waayaqqi shalligii beetina'one. Boonoshiyoo aafoon aafemmina'one; ikkoo balla aafoon, ikkoo shicha aafoon, ikkoo shaasha aafoon aafemmone" iye.**

**2 Qorontoosi 3:15,16 Ibaroone; hanaach beddaahee, Muusichi Callee Macaafoon boonoshi shemmaa beeti aabo bullin boonoshi mullo kaapatone; 16 tunaballi asho koniyolla Doono Yeer waan bi wottahooba, ebi ara kafo tiyiye.**

**Hose'i 11:3-7 - Maatiyoosi 11:28-30 "Hini maraatatina'onaa shaago maggatina'onote! Ta waan wobote! Tawoo ittoshin kashiiyemmo taane. 29 Tawoo ga'i de'oonaa ta qelloon giishii beetona ta tunatoyich, ta waanjen shaagote! Ta waaneenoo doyibote! Arooba ittoshi taanna kashemmo ittoshine. 30 Ittoshi toommooch ta haxxemmi waanjee ga'i de'eene; ittoshich ta shaaggiyemmi shaageyoo ketteene" iye.**

**Mishiraachina'ochi Shuunoo 26:18 Neen ta daachii beeto, boonoshi aafoon qechiree mandaroochee bekkooch, Sheexaanoyich hajeyoochee Yeerich hajeyooch ne wochemmoyichiye. Arooba boonoshi axaaxoyich maaroon danemmina'o ne; wotta boonoshi mulloon ta toommooch too'iyoonaa yaa-feeti asheena'o deqqemmi wojooch boonoshi ixoo haddeeyemmone' iye.**

**2 Ximootiyoosi 2:24-26 Doono Yeerich maddiya beda kittinnoo, asho bullin shiimacho, Yeerichi qaaroon dojoon hakkitonaa haa'iyachonalli, kaarachon tunaaye. 25 Bi dojjii beeti mooyon hapiya qiicca beetina'on shiimoona dojibee ciice. Diq Yeeri ibaroon boonoshi ariiyemmoyich, axaaxee gommoocheenoo bi waan boonoshi wottemmoyich bi daaggi gaata, 26 boonoshi mullo yeshee, Daabiloosichi daaggoon ceechiya kashoona beechii boonoshi yechati bi olloochee muriccemmina'one.**

**Yowannisichi Bekkati Yaa'oo 3:17-19 'Gaannacho taane; bedditi gaanno taach beete; baroo amolla taach qaawiyaache' ii beeto ittoshine; tunaballi xuuxoona yexxato, ayinikkito, giracho, wolloo, shokkaachoo ittoshi**

tunoon ariyaano ittoshine. 18 Ebich Yeerichi aafoochaa gaannacho ittoshi tunemmoyich, qaaqqoona wociitee shuuneeti aachoon, shokka acho tunaree ittoshi yeellataachemmoyich ittoshi tahemmi nacca tahoon, ittoshi aafu ciinnemmoyich ittoshi huutemmi attoon ta waanee ittoshi kememmoyich ittoshich ciiccaa beeto taane. 19 Ta shunna beeti asho bullin kaaraa ciiccaa beeto taane; sheeriinoo beeto taane. Illa gaamiton tunabote! Axaaxee gommoocheenoo Yeer waan wottabote!

2 Qorontoosi 7:10 Yeerichi daaggoomona tunaa beeti ayinoo axaaxee gommoochee Yeer waan wochoona wodooch shaggii beetone; ebich "Akkiya ebin tuniitote?" getteyaache; tunaballi hini shawee toommeexi ashichi ayinoo qitooch shaggii beetone.

1 Taatoo 18:37 - Yeeri turned heart back to Yeeri.

2 Qorontoosi 4:4 Hini shawoon hajii beeti gonda nuggushoo boonoshi mulloon Kiristoosichi toommooch too'iyaaneena'o Yeerichi shaahoo tunati Kiristoosichi oogee yiiree mishiraachee qaaree bekkoon boonoshi beegaachemmoyich, boonoshi gaboon wolliihe.

Luqaasi 8:11-15 Yesuusi daakkiqqi ishichiye:- "Yaree shookkachochi shaahiyoo ebine; yaroo Yeerichi qaarone. 12 Gommi gashooch holliti yaroomina'o geto, Yeerichi qaaroon boonoshi waayatoyee gub Daabiloosi waaqqi boonoshi mulloon Yeerichi toommooch too'iiree boonoshi wodaachemmoyich, ara boonoshi waayati qaaroon boonoshi mulloochee maciqqi bi daammiti asheena'o getone. 13 Wotta maacaa xaqqachi shawooch holliti yaroomina'o geto, Yeerichi qaaroon waayaqqi bekkach emiroona deqqi beeti asheena'o getone; tunaballi cammon yessaaneena'one; boonoshi mulloon Yeerichi toommooch boonoshi too'ii beeto andichalli, Daabiloosi boonoshin gondoon shuuniiya bi qiiccahooba, gub shokiree echemmina'one. 14 Angichi xupo beeti shawooch holliti yaroomina'o geto, Yeerichi qaaroon boonoshi waayatoyee gub, beemi gaboo, gaannoonaa mashaamiti beemona kechii bi maatooyich, kashaalli taxxa aafoomi asheena'o getone. 15 Wotta qeemi shawooch holliti yaroomina'o geto, ibara gaawa mulloona Yeerichi qaaroon waayaqqi ceechii beeti asheena'o getone; haa'iiqqi aafoon aafaa beetina'one" iye.

Mishiraachina'ochi Shuunoo 15:11 Tunaballi no boonoshichoomon Doono Yesuusichi wojoona wodemmo no tunoon ibarii beeto noone" iye.

Roomi 8:13 Meechi daaggoona ittoshi bee gaata, qitemmo ittoshine; tunaballi Yeerichi Ayaanee giidoona meechi shuunoon ittoshi wuxi gaata, kashoona beeyemmo ittoshine.